

263  
65

# Q U Æ S T I O   M E D I C A

Cardinalitiis disputationibus manè discutienda in Scholis  
Medicorum die Jovis 27. Februarii.

M. ANTONIO-JOANNE MORAND,  
Doctore Medico, Præside.

*An qui humidioribus vescuntur diutius vivunt?*

I.

**V**ITA est succi nutritii ad omnes corporis animati particulas applicatio, quâ reparatis humidi nativi jacturis, illarum structura, positus, concentus & actio conservantur. Communis est tantum plantis & animalibus; in illis paucis organis indiget, in his multiplici partium apparatu continetur. Ejus cursus insigni temperamenti mutatione seu ætatum vicissitudine distinguitur. Ab infirma puerilis mollitie ducit initium, & aridâ senectute clauditur, florentis fervore incitatur, constantis gravitate nunquam retardatus insistit, semperque velocissimus fatales ad metas properat; ad quas quæcumque nascuntur & vivunt, fatali ac necessariâ lege quædam ocyûs alia seriùs voluuntur. Sic Cedro, Palmæ, Cupresso, vita multis invicta seculis durat; Ophio glosso, Ephemero & parvulo insecto quod Hemerobium inde vocant, intra diei spatium dissolvitur; sic Elephanto, Camelo, Aquilæ, Cygno centum in annos prorogatur, cum papilionibus paucos in menses excurrat. Homines inter quos gracilibus quadratos, graciles obesis, pinguesque macilentis vitæ longinquitate præstare observatur, à stirpibus quidem aliquot longævitate superantur; sed nisi cornicum, cervorum & similium commentis temerè fides adhibeatur, animalium vivacissimis non inferiores habendi sunt. Quandoquidem ubicumque terrarum non paucos vivere centum annos & ampliùs experientia comprobat. Quis vero sit præfinitus vitæ humanæ terminus, tam ignotum est ac incertum, quam hunc accelerare vel remorari omnibus integrum esse patet.

I I.

**U**T non modo stirpium ac brutarum animantium sed etiam hominum vita in corporis partium alimentum deferentium admittentiumve commercio & actione versatur, ejus conservatio potissimum à spiritu seu calore illis infuso dependet; qui est tenuis, æthereæ, perennique motu acta materia sanguinis vaporis purissimo permixta. Is dum arteriarum ductu cum sanguine in membra vectus appellit, vitalis & influentis nomine donatur, ac insiti cum inhæret

partibus; Quando musculorum artuumque molem agitat, inservitque sensibus, animalis appellatur; Quamdiu multo humido retusus succos attenuat, coquit & ad alendum aptos reddit, naturalis dicitur, igneus verò febrilisque, si hos incendit atque consumit. Cum natura sit mobilis atque fugax, citius evolarer, nisi lento humore tanquam vinculis astrictus retineretur; qui si aquosus est, calorem extinguit, si redundat, opprimit; si paucus, resolvitur; si exiguo calore perfunditur, frigoris vim non sustinet. Nec vita multos in annos producit, nisi partium affabrè concinnatarum firma compages, quæ diu functionibus obeundis non impar sit, jungatur cum humido copioso & pingui, quod neque calore neque frigore profligetur, & quod eâ proportionem cum calore temperetur, ut neutrius dominium excitatâ seditione contingat. Cum enim jugi motu attritæ partes & siccitate contractæ alimentum excipere non valent, fatiscunt, & agere cessant; ita ut senescere idem sit ac arescere, morsque sit omnis motus ab humidi consumptione privatio.

### III.

**Q**UI mortem humanâ industriâ vitari posse, Ptolomæum imitari regem, insulsè credunt, tam cæci sunt quam qui hanc intemperantiâ maturari, & rectè institutâ vivendi ratione, plus vel minus pro corporis temperamento & compositione retardari non vident. Quippe homo non tantum ut in lucem editus est, statim exterarum fortuitarumque causarum impressionibus nudus obicitur, quarum vi sæpè frangitur, & violentâ morte dicitur occumbere, sed occultis etiam domesticorum hostium insidiis opportunissimus est: Sicut enim in ferro rubigo, & cossi teredinesque in ligno pestes ingentæ latent, sic ab ortu morborum lethique semina in se fovet, à quibus immaturo interitu rapitur. Immo dum calor vitæ ipsius auctor proprium humidum sensim exhaurit, tabescit & fato naturali occidit. Ejus enim corporis adeo fluxa est dissolubilisque coagmentatio, ut intra breve spatium (quod rarò ultra septem dies proferri potest) labefactaretur, nisi quod continenter dilabatur nutritio reponeret, & novâ in locum effluentis suffectâ materiâ ruinas resarciret. Quæ si uberior ad partes vel molles vel solidas accedit quam decedat, statura vel crassitudo corporis augetur, non tamen ad mortem usque, quod de Crocodilo ferunt, sed tantum ad senectutem, quâ cum nimis partes jam induruerint, crescere quidem desinunt, non verò nutrirî, nec vivere, nisi quando viscera vel quælibet communibus vitæ muniis addicta organa, ut in piscibus branchiæ ac in perfectis animalibus pulmones ob nutrimenti penuriam arida solito ab opere conquiescunt. Quid autem est ad partes exsuccas & sicc-

3

tate rigidas emolliendas, exhaustasque reficiendas humidiori alimento potentius; cui corpus magis quam ipsi semini debet, utpote cui non tantum incrementum, robur, functiones, perfectionemque; sed illorum omnium diurnitatem accepta refert. Est enim corporis viventis materię tam familiare tamque simile, ut in deperditę locum substituatur, quę cum sit humida, solida & ætherea, potu cibo & aëre integranda fuit; quorum naturam, copiam, vires usumque ad vitam diu tuendam potissimum conferre minimę dubium est.

I V.

**C**UILIBET vitę diu prorogandę studenti, non modo quod spiritus vel aëris ambientis calore vel motu per os & nares exhalatur, atque per totius corporis meatus & spiracula indefinenter effugit restituendum est, sed etiam partium compositio temperatioque conservandę sunt, nec non illarum nimia dissipatio prohibenda, quę præsertim in recto humidioris victus usu versantur. Si quidem non alio consilio ad capefendum alimentum siti & fame natura nos extimulat, quam ut esculenta potulentis esse miscenda, & sicciorē escam liquidis emolliendam atque diluendam esse admoneat: eumque ipsa humidissimum lac sugendum infantibus exhibet, humidiorē alimoniam ceteris omnibus præferre videtur. Cibus enim solus ille qui multo imbutus est humore, alioquin insuperabilis, in chylum faciliē convertitur ac undique distribuitur. Est contra prorsus ad alendum inutilis priusquam fuerit in corporis penetralibus liquefactus, multoties attenuatus atque fusus. Nec si crassius esset ac fæculentus, posset unquam per arctissimas nervorum, membranarum, fibrarum, cartilaginum & ossium angustias penetrare. Sed neutiquam liquidum esse juvaret, si fervidus, vel salsus vel acer existeret, siquidem murię vel aquę stygię aut ferventis instar quę nihilo secius exsiccant & urunt etsi disfluant, totius corporis humidum, serpente obtenuitate longiūs latiusque labe, potius vastaret quam repararet. Sic partes omnes genio defraudatę brevi & ante diem exhaustę marcescerent, nisi uberibus alimenti humidioris laticibus rigarentur, quibus non tantum earum detrimentum instauratur, earumque structura & humidum adversus calorem prædonem ejus perpetuum mununtur, sed etiam ipse calor fundi proprii fatalis ac necessarius decoctor ita temperatur, ut sensim factus ex acri lenis, ex rapido placidus, & consumptore beneficus, non possit sua bona nisi lente & longo tractu temporis disperdere.

V.

**N**ON minus ad longævitatē mollioribus humidioribusque nutriri cibis, quam gratis, consuetis, simplicibus, temperatis,

4

corporisque materiæ quam simillimis expedit, licetque sicciores aliquando humoribus diffuenti corpore instructis non officiant, quales fuere forsân quosâ cibo & potu glirium instar suo succo viventes diu abstinuissè narrant, cæteris maximè nocere constat, & iis omnibus, ut etiam animalibus quæ *φωλέοντα* dicuntur, exiguum semper ævum fuisse compertum est. At vietus humidior quemadmodum lac universis puellulis competit, omnibus hominibus quocumque temperamento præditis vel etiam, cum servemur similibus, ipsis humidis, modo prudenter adhibeatur, convenientissimus est. Siquis ergo benè natus est robusto nempe ac benè temperato corpore instructus, & cibus vescitur per se vel per solius aquæ, aut vino pauculo permixtæ potum humidioribus, boni succi, nullâque vi præpollente donatis, ut carne Caporum, Pullorum, Perdicum, Vituli, Bovis, jusculis ex eâ paratis, Ovis ac Pane filigineo recentibus & similibus, non ut abdomini sed ut necessitati serviat, modo præterea liberam, puram & æquabilem ducat animam, somno & quiete ad recreandas non ad frangendas vires utatur, ad excitandum non ad dissipandum calorem vigilet & exerceatur, non sinat perturbationibus animum vehementiùs commoveri, corpusque blandioribus voluptatibus dissolvi, curetque tandem ut sordibus absterfis ubique niteat, à vanâ climactericorum annorum, cometarum, astrorumque defectionum (quæ sunt imperitæ plebis terricula) perniciè tutus feliciter vivet; recteque spretis arcanis ex auro, gemmis, cervorum serpentumque carnibus inani molitione concinnatis liquoribus, qui sunt stultæ credulitatis partus, debitum longiori vitæ cursum absolvet. Qui contra licet firmis vitæ fundamentis nitatur, se in omne libidinum genus præcipitem & effrænatum effundit, exercitationibus, vigiliis, curis, jejuniisque se macerat, calidioribus, siccioribusque opsoniis, condimentis, salsamentis & similibus infarcit, seque mero, chocolâtâ, caphe, the & hujusmodi sitis irritamentis, quorum tutior usus prodesse possit, intemperantiùs replet; non secus ac arbor quæ cum aquâ calidâ diutiùs resperfa maduerit, quamvis ad tempus latius adolescere videatur brevi tamen arescit, cum fuerit aliquandiu ad actiones expeditior & promptior propedièm tabidus ruit, & immaturâ morte conficitur.

*Ergo qui humidioribus vescuntur diutiùs vivunt.*

Afferèbat Parisiis JOANNES BOUDIN, Parisinus  
Baccalaureus Medicus, A. R. S. H. 1681.

Parisiis, Apud Franciscum Muguet, Regis & Facultatis Medicinæ  
Typographum.